



SAKSPAPIR

Saksnr	Utval	Type	Dato
124/2021	Kommunestyret	PS	14.12.2021

Sakshandsamar	Arkiv	ArkivsakID
Lin Tove Thomassen	FA-G16, FA-X20	20/1609

FORSKRIFT OM SMITTEVERN I VAKSDAL KOMMUNE

Kommunedirektøren sitt framlegg til vedtak:

Forskrift om smitteverntiltak, Vaksdal kommune, Vestland for perioden 10.12-24.12.21 vert teken til etterretning.

Kommunestyret gjev kommuneoverlegen fullmakt til ei eventuell utviding av verketida med inntil 14 dagar. Grunngeving vert å legge fram for kommunestyret i møte 25. januar 2022.

Kommunestyret - Sak 124/2021

KOM - Behandling:

Kommunedirektøren sitt framlegg til vedtak vart samrøystes vedteken.

KOM - Tilråding/Vedtak:

Forskrift om smitteverntiltak, Vaksdal kommune, Vestland for perioden 10.12-24.12.21 vert teken til etterretning.

Kommunestyret gjev kommuneoverlegen fullmakt til ei eventuell utviding av verketida med inntil 14 dagar. Grunngeving vert å legge fram for kommunestyret i møte 25. januar 2022.

Saksopplysningar:

10. desember innførte kommunane Alver, Askøy, Bjørnafjorden, Osterøy, Samnanger, Vaksdal og Øygarden ei [lokal forskrift om smittervern](#), om munnbind og strengare karantenereglar.

Forskrifta er innført etter eit hastevedtak frå kommuneoverlegen i kvar av kommunane. Ordførarane, kommunedirektørane/rådmenn og kommuneoverlegane i alle kommunane har jobba ilag for å få til dette på plass.

Forskrifta er ei innstramming av dei nasjonale reglane på to punkt:

- Kommunane innfører påbod om munnbind der det ikkje er mogleg å halde ein meters avstand innandørs på offentlege stader og arrangement.
- Kommunane innfører 10 dagar karantene for husstandsmedlemmar og tilsvarande nære til ein som har fått påvist koronavirus. Forskrifta gjeld når det er påvist koronavirus med hurtigtest eller PCR frå og med 10. desember 2021, og det ikkje er mistanke om omikronvarianten.

Karanteneplikta gjeld for alle som bur ilag, uavhengig av alder, vaksinestatus og gjennomgått koronavirus. Den gjeld også for dei som har hatt tilsvarande omfattande og fysisk nær kontakt som ein i husstanden, til dømes ein kjærast.

Forskrifta opnar for unntak for kritisk helsepersonell og andre som har samfunnskritiske jobbar etter ei grundig individuell vurdering og avtale med arbeidsgjevar.

Forskrifta er heimla i Lov om vern mot smittsame sjukdomar §4-1. Ved hastesaker kan kommunelege utøve den myndigheita kommunestyret har etter denne paragrafen. Kommunelegen fastsette verketida frå 10.12. til 24. 12.21. Avhengig av vidare utvikling av pandemien, samt handtering frå ulike regionale og nasjonale nivå, kan det verte behov for ei vidareføring av forskrifta. Kommunedirektøren tilrår derfor at kommunestyret gjev kommunelegen fullmakt til å utvide verketida med inntil 14 dagar.